



Komisija za izbor i imenovanja

Broj: 04-GV-02-1652/21
Sarajevo, 15.12.2021. godine

ZAPISNIK O RADU
18. SJEDNICE KOMISIJE ZA IZBOR I IMENOVANJA
ODRŽANE 15.12.2021. GODINE

Prisutni:

1. Nihad Uk, predsjedavajući
2. Vedad Deljković, zamjenik predsjedavajućeg
3. Drago Jurić, član
4. Toni Vukadin, po ovlaštenju umjesto Biljane Lazarević, članice
5. Mirela Džehverović, po ovlaštenju umjesto Adija Škaljića, člana
6. Elvedin Korora, član

Odsutni: Almedin Miladin, član

Sjednici iz Stručne službe Gradskog vijeća Grada Sarajeva prisustvuju:

- Mirjana Đanović Stanić, rukovodilac Stručne službe Gradskog vijeća Grada Sarajeva
- Mila Eminović, sekretar Gradskog vijeća

Sjednici Komisije ispred Gradske uprave prisustvovali:

- Aida Bajramović, šef Odjeljenja za kabinetske poslove u Stručnoj službi Gradonačelnice
- Erna Čolić, rukovodilac Stručne službe Gradonačelnice

Predsjedavajući Komisije je u 09.10 sati otvorio sjednicu, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i usvajanjem Zapisnika o radu 17. sjednice Komisije za izbor i imenovanja Gradskog vijeća Grada Sarajeva održane 24.11.2021. godine.

Zapisnik sa prethodne sjednice je usvojen sa 5 glasova „ZA“ i jednim „SUZDRŽANIM“ glasom.

Predsjedavajući Komisije je upoznao članove da su naknadno dostavljena dva materijala kojim je potrebno dopuniti dnevni red, i to:

1. Nacrt Strategije razvoja Grada Sarajeva 2021.-2027.
2. Utvrđivanje Prijedloga Odluke o izboru člana radnog tijela Gradskog vijeća Grada Sarajeva (Kenan Kestendžić)

Na prijedlog Predsjedavajućeg, Komisija za izbor i imenovanja je sa 4 glasa „ZA“ i dva „SUZDRŽANA“ glasa usvojila sljedeći **dnevni red**:

1. Prijedlog Programa rada Gradskog vijeća Grada Sarajeva za 2022. godinu
2. Prijedlog Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva
3. Prijedlog Odluke o davanju ovlaštenja za vršenje funkcije pravobranioca Grada Sarajeva
4. Nacrt Strategije razvoja Grada Sarajeva 2021.-2027.
5. Utvrđivanje Prijedloga Odluke o izboru člana radnog tijela Gradskog vijeća Grada Sarajeva (Kenan Kestendžić)
6. Tekuća pitanja



TAČKA 1.

Prijedlog Programa rada Gradskog vijeća Grada Sarajeva za 2022. godinu

Uvodne napomene je dala predstavnica Predlagača.

Nakon rasprave i sažetka predsjedavajućeg, Komisija za izbor i imenovanja je jednoglasno usvojila sljedeći **zaključak:**

Komisija za izbor i imenovanja sugeriše Gradskom vijeću da razmatra Program rada Gradskog vijeća Grada Sarajeva za 2022. godinu kako je predložen, uz sugestiju da se predložena i uvrštena tačka ovog radnog tijela i to Odluka o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva, koja je programirana da se razmatra u Programu rada Gradskog vijeća Grada Sarajeva za 2022. godinu **bríše**, obzirom da će se ista razmatrati na 10. sjednici Gradskog vijeća u decembru 2021. godine.

TAČKA 2.

Prijedlog Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva

U raspravi su učestvovali svi prisutni članovi.

Nakon rasprave i sažetka predsjedavajućeg, Komisija za izbor i imenovanja je jednoglasno usvojila sljedeći **zaključak:**

Komisija za izbor i imenovanja odlaže razmatranje Odluke o standardima i kriterijima za imenovanje pravobranioca i zamjenika pravobranioca Pravobranilaštva Grada Sarajeva, kako bi se poboljšao sadržaj materijala u pogledu kriterija za ocijenjivanje prijavljenih kandidata, te u tom smislu sugeriše da se Odluka doradi i ponovo uputi radnom tijelu na razmatranje. Predstavnik predlagača se usaglasio sa zaključkom.

TAČKA 3.

Prijedlog Odluke o davanju ovlaštenja za vršenje funkcije pravobranioca Grada Sarajevo

Nakon rasprave i sažetka predsjedavajućeg, Komisija za izbor i imenovanja je jednoglasno usvojila sljedeći **zaključak:**

Komisija za izbor i imenovanja sugeriše Gradskom vijeću da razmatra Prijedlog Odluke o davanju ovlaštenja za vršenje funkcije pravobranioca Grada Sarajevo kako je predložena.

TAČKA 4.

Nacrt Strategije razvoja Grada Sarajeva 2021.-2027.

Član Komisije Toni Vukadin i Drago Jurić su u raspravi konstatovali da je materijal dostavljen kasno, te da nisu imali dovoljno vremena da se upoznaju sa sadržajem materijala.

Nakon rasprave i sažetka predsjedavajućeg, Komisija za izbor i imenovanja je jednoglasno usvojila sljedeći **zaključak**:

Komisija za izbor i imenovanja sugeriše Gradskom vijeću da razmatra Nacrt Strategije razvoja Grada Sarajeva 2021.-2027. kako je predložen i uputi ga u javnu raspravu uz sugestiju da se javna rasprava produži u trajanju od 60 dana a što je predstavnik Predlagača i prihvatio.

TAČKA 5.

Utvrđivanje Prijedloga Odluke o izboru člana radnog tijela Gradskog vijeća Grada Sarajeva (Kenan Kestendžić)

Nakon rasprave i sažetka predsjedavajućeg, Komisija za izbor i imenovanja je jednoglasno usvojila sljedeći **zaključak**:

Komisija za izbor i imenovanja utvrdila je Prijedlog Odluke o izboru člana radnog tijela Gradskog vijeća Grada Sarajeva (Kenan Kestendžić) i upućuje ga Gradskom vijeću na razmatranje.

TAČKA 6.

Tekuća pitanja

Pod ovom tačkom dnevnog reda nije bilo zaključaka.

PREDSJEDAVAJUĆI KOMISIJE

Nihad Uk, s.r.

Predsjedavajući Komisije je u 09.18 sati zaključio rad 18. sjednice sjednice Komisije za izbor i imenovanja.